



南州書樓藏書
徐湯殷整理
編列 字 號
年 月 日

禮部存稿卷七

覆題疏

凡二十四通

會議增補祭祀錢糧疏

禮部等部署部事右侍郎兼翰林院侍讀學士
臣陳子壯等

題爲遵

旨會同酌議增補祭祀錢糧事該禮部題覆太常寺
卿葉廷祚題爲懇憐速賜題

請急甦商困以彰



聖孝事奉

聖旨該部酌議具奏欽此抄出到部送司前後通查
明白案呈到部議得加增者照例派之各省府
其墊過銀兩

勅下戶部有別項無礙錢糧補給前墊等因奉

聖旨這加派牲價及補給墊銀還會同戶部酌議具
奏欽此卽移咨兩會戶部隨准咨稱加增者旣經
禮部議派無容再議其賠墊銀兩無從設處咨
覆到部看得祭祀錢糧最爲喫緊所以預徵預

解合無先將加派行各該撫按預派徵解使衆
商有所歸著其墊過銀兩或俟部寺有別項錢
糧另行措補等因崇禎七年十月初三日具題
初十日奉

聖旨會典載該寺牲價戶部先年曾經題增自應詳
查確商何得諉卸還再酌議合奏奉旨會同僅用
咨文往覆本內又不列戶部職名是何體例該司
官姑不究欽此欽遵抄出到部臣等跪捧

明綸不勝惶悚除司官陳六翰伏

禮部本利
關謝恩外臣部今會同戶部尚書侯恂等看得太常寺題加增補給祭祀錢糧一節查自建

三陵并

金綿等山每年正祭除原額解三千七十五兩外添用牛一十五隻北羊二百三十二隻共該價銀六百二十四兩其豬價事屬戶部先年曾經題增而外解牛羊原屬禮部坐派相應遵照萬曆十八年例題增入額卽此六百二十四兩之數灑派各省直等一十二處則爲數不多民商兩

便似應照例議派自七年爲始也至於賠墊過銀積至七千五百兩計十有餘年相沿已久此自是該寺職掌十餘年緘默不發一旦責之臣部酌議補給當此物力殫竭之時禮部旣無錢穀可以設處而戶部正餉猶且不敷又欲償額外之舊欠豈不兩難伏查

會典各處解納牛價四兩五錢而北羊每隻有派至五兩三錢三分者嘉靖九年定二兩四錢是物價與時高下例之於今牛價則似太賤羊價猶

爲過豐凡諸祭祀用牛少而用羊多以豐補嗇
累積均筭則衆商雖經賠墊之疲而亦時有通
融之濟况自今伊始歲增六百二十四兩亦足
以濟其窮而副其望矣

朝廷恤商之意夫豈有靳值軍興之煩民力之耗莫
甚此時伏乞

皇上勅下太常寺諭令衆商照歲增額安心承辦仍
案存墊過前數俟以後度支稍寬續次補給此
部寺一體共襄祀典之末議再三酌量惟

聖明裁定

命下遵奉施行

崇禎八年二月初十日奉

聖旨這牲價依議自七年爲始照例派征仍著省直
各撫按將派數榜示民知不許官胥蒙借苛擾其
墊過銀兩續次補給

秦強王喪禮疏

題爲乞

恩喪禮事祠祭清吏司案呈崇禎八年二月二十八

禮部存稿
四
日奉本部送禮科抄出大同巡撫焦源溥題據
分巡冀北道呈據

代府棗強王府教授呈奉已薨本王妃薛氏傳稱
切照氏夫

棗強王胤錚於崇禎七年七月二十一日病故已
經具啓

國王不幸

國王薨逝無人題奏伏祈憫念寒王俯爲題
請等因到道轉詳到臣該臣看得

棗強王胤錚病故應有祭葬銘旌墳價等項舊係
親王題奏茲因

代王薨逝伊妃薛氏傳行代奏旣經查報前來相
應題

請伏乞

勅下禮工二部查照舊例覆議上

請頒發施行崇禎八年二月二十一日奉

聖旨該部知道欽此欽遵抄出到部送司案呈到部
看得

王府喪禮必候

王奏臣部具覆此舊例也今

代藩棗強王鼎錚喪禮因

代王薨逝無人題

請而撫臣代奏前來伏念

大典所需既不可以遲閣而從來舊例又不便於遽

更令

代藩

冊封在邇或仍候

王奏以遵畫一之典或卽據撫臣之疏具覆以昭

皇上親親之仁臣等未敢擅擬伏候

聖明裁定

勅下遵奉施行

崇禎八年三月二十一日奉

聖旨爾部卽與題覆仍俟代藩冊立後啓王補奏以

存舊章

代府監官襄事疏

題爲遵

旨查明具奏事祠祭司案查

代王傅燠薨逝該

王妃郭氏奏乞喪禮於崇禎七年十一月二十五日奉

旨下部本部卽於十二月初六日題覆訖已經差欽天監五官司晨歐大輔前去擇地造葬奉有

明旨矣又查得葉茂生於崇禎三年四月內以

代王鼎渭造葬奉差原限一年今過限將及四年

卽葬未完亦當申明寬限竟爾怠玩若再使久留地方誠爲不便合行催速完前事并查違限緣繇今該前因通查案呈到部看得

代王傅燠請

卹稽遲緣繇已經撫臣據實奏明至

請以前遣監官葉茂生襄

兩王之葬事雖爲省便但臣部題

遣在前而撫臣具奏在後又葉茂生違限旣久而大輔銜

命出都此時已到該地方則

代王傅燠之葬事應仍令大輔選擇行查葉茂生
違限緣繇勒催速完前差葬事亟爲撤回以免
本府供給之繁庶公典私情並行不悖矣臣等
未敢擅擬恭候

命下遵奉施行

崇禎八年三月二十二日奉

聖旨是擇吉造葬卽著葉茂生一併恪共襄事其久
任違限情繇俟回日查明奏奪歐大輔著卽撤回
據本府奏稱貧寒苦乏供應明係監官營差需擾

該部嚴革積弊酌定限制具奏通飭

議紀錄番官職銜疏

題爲遵

旨紀錄事祠祭清吏司案呈崇禎八年正月二十一
日奉本部送禮科抄出兵部覆巡按陝西茶馬
監察御史王與胤題前事內稱自崇禎六年分
茶馬苑馬抵京奉有紀錄

明綸則經管各官及委解員役急公勤事之誼自難
泯泯况當茲招中維艱京馬不前猶不得不加

禮部存稿
優異以示勸揚者除內外官員奉

旨紀錄外番官總理哈刺麻鼓番効力招中攸資應
否

特賜禪師職銜應聽禮部議奏等因本月十八日奉
聖旨內員著司禮監文職著吏部各分別紀錄林成
棟旣以弛戎革任何得遽議起用高崇選准紀錄
番官職銜禮部議奏欽此欽遵抄出到部送司案
呈到部臣等查得

大明會典內開有各處國師禪師都綱刺麻都指揮

指揮等名色嘉靖二十八年題

准各處番僧到京襲職進

貢禮部置立文簿一扇將各僧齋到舊給

誥勅所載師僧職名頒給年月及見今襲替僧徒名
字任坐地方分別已未領有新

誥勅逐一登記備行布政司照式置造以後如遇應
貢年分將文冊查對如係年代久遠果有退老病
故情節方許照例起送承襲其有已襲而未領
新

禮部律例
九
誥勅者照已賞未襲職例許起送一二人如有捏作
入番化夷在番病故者不許濫收此師徒承襲
之故例也若

特賜職銜臣部固無從查覈今據該處開稱總理哈
刺麻以招中茶苑馬匹資其鼓番奉

旨令臣部議奏似不妨量與破格以示勸勵或加禪
師之銜俟三年効用再有成勞聽撫按代請

勅命庶恩可洊加而典制有節矣恭候
命下臣部遵奉施行

崇禎八年四月初六日奉

聖旨是

回奏魏文魁另局疏

題爲遵

旨查明回奏事祠祭清吏司看得魏文魁另局自奉
旨置局之後一應所需廩供儀器屬各該衙門臣部
惟有奉文督催至再至三以奉

明旨如光祿寺衙署文魁弁生徒卽已搬住其湯飯
卓廩薪逐月供送生徒月糧旣已造冊照月給

發儀器砌臺例催工部節經回咨工力未能猝辦而業已委官料理職掌所在自難遲誤紙劄催都察院亦經回咨當此紙張匱乏以應各衙門俱不給另局無從設處正在商策或宜併責工部設辦一起銷筭仰遵

聖諭查明回奏案呈到部既經該司查明理合據實
奏

聞

崇禎八年四月十五日奉

聖旨儀器築臺係測驗急需奉旨已久如何但以委官料理塞責紙張數既不多豈得借匱乏爲詞著該管司廳官自行回奏仍一面嚴催辦給不得再延餘知道了該衙門知道

覆祠祭司卹典疏

看得山東總兵官右都督死難今贈太子少傅張可大 本官生平所至多立戰功登州之難尤能盡節真可愧碌碌偷生而振忠烈之氣者業叨贈廕之隆合賁

優卹之典相應照例與祭六壇造墳安葬於死難處
所立祠致祭其加祭壇數并其祠名仍請

聖裁伊母李氏查已授封一品夫人例有祭葬亦應
與祭一壇造墳安葬但係伊子鹿徵同本奏

請應否同

卹及本官易名之典

特恩俱出自

朝廷非臣等所敢擅擬

崇禎八年二月初一日奉

聖旨張可大准與祭六壇仍加祭一壇造墳安葬還

與他謚祠名與做旌忠伊母李氏與祭一壇造墳

安葬

二

看得新樂伯劉效祖 本爵係

孝純皇后親弟奏內所引武清伯李文全之例查李

文全係

孝定皇后親兄

懿親實相膺合相應比照前例與祭十六壇造墳

安葬其加祭壇數仍請

特恩賜給

皇親

卹典原出

聖恩恭候

命下行翰林院撰祭文光祿寺備辦祭品順天府辦

香燭紙就

遣本部堂上官致祭所據地價軍夫等項仍咨戶兵

工三部各題覆撥給施行

崇禎八年二月十二日奉

聖旨是准照例與祭十六壇仍加祭四壇造墳安葬

三

看得巡撫甘肅都察院右僉都御史劉應遇

本官矢心國士之知努力勞臣之用墾荒抵派

功在司農遏衆摧鋒功在司馬蓋轉輸不勞軍

糈自足美

王言之袞章而一擒白水屢捷漢南隆甘州之節鉞

以死勤事未竟厥施所請加

禮部存稿
恩似應照四品軍功事例與祭一壇減半造葬以示
朝廷優功恤死之意者也但

恩典出自

聖裁臣等未敢擅便

崇禎八年二月十四日奉

聖旨劉應遇准照例與祭一壇減半造葬

四

看得原任應天府府尹致仕加南京工部左侍郎祝以函 本官品行素端陟歷已久自引止

足之分旋蒙卿貳之加守約明心著書怡老可謂始終完名者矣相應照例與祭一壇減半造葬妻毛氏業經伊男呈請照例宜與附葬但
恩典出自

朝廷臣等未敢擅擬

崇禎八年二月十四日奉

聖旨祝以函准與祭一壇減半造葬伊妻毛氏附葬

五

看得遼叛死難士民婦女等 遼叛李九成一

案其中文武官吏士民或固守城池殉節完名者或闔門遭戮極其慘烈者均應贈卹旌表以風世教其殉節士民婦女死事雖有不同其見危授命則一既經兵部移咨前來相應題

請內查原任推官張瑤妻齊氏二幼子二幼女貢生張聯台蔣時行儒官張伯鶴監生張儆生員張瑜張琇陳夢琨陳之復方印陳宗臯黃縣生員王樹勳陳孔道趙五典范廷碩李嘉禎王鉅臣王加貴王永譽林日章裱褙匠隋尚友并二女

平度州生員竇啓光張得志義民李素并妻姜氏招遠縣生員楊鴻賓單京翰同妻王氏新城縣死難舉人王與夔張儼然官生王與綬監生張胤揚生員耿弘偉郝真素畢問學張蔚然張皚然童生王與瓚應薦鄒良翰鄒浩本縣衙役王可擇等二十餘人民韓福焦茂才等二百二十七人僕從侯有功等十七人商河縣民元良弼張養粹馬安邦張進忠及僧涌講衙役陳學禮青城縣民閻國祚田處岡登州隨任節婦島

鎮黃龍妻劉氏妾馬氏子黃聖基并二女副總
兵王廷臣妻線氏生員李長生妻范氏黃縣生
員杜希聖妻柳氏棲霞縣生員李世昌妻孫氏
同女李氏新城縣民劉前徽妻霍氏千戶王與
章妻宜人郭氏典史王天民女青城縣生員霍
泗修妻成氏市民邊天德女大姐以上士民婦
女俱經死節不辱相應照例建坊旌表以慰孤
魂但品官舉貢生員各家妻子似不便與庶民
衙役工匠等一起列名當分爲兩坊旌表一以

見詩禮之家不玷名節一以見草澤之下猶識
綱嘗至如舉人貢生死難者查

大明會典內並無

卹例然名旣薦於

天府

卹獨後於流官赫赫九泉未免抱恨伏查近例武舉

李調禦賊捐軀已蒙

聖恩贈都司僉書級銜文武一體武舉旣贈文舉及
貢生死難旣同議贈似難獨遺合咨吏部擬贈

一銜以慰幽魂以示風勵但

恩典出自

朝廷臣等未敢擅擬

崇禎八年二月二十日奉

聖旨這殉節士民婦女著分建兩坊各列名旌表舉
貢死難的准照例量贈一銜以示風勵

六

看得掛征蠻將軍印鎮守廣西等處地方總兵
官前軍都督府都督僉事黎國炳 本官歷陟

邊疆効勞有年所至俱無疵議亦武弁之楚楚
者惟實授出自

覃恩與功陞不同就其本等署都督僉事應祭一壇
似應照例給與但

恩典取自

上裁非臣等所敢擅便

崇禎八年二月二十五日奉

聖旨黎國炳准照例與祭一壇

七

看得都察院左都御史曹于汴 本官補過盡
忠多名諫臣之議進禮退義有古大臣之風維
摧折不改其孤芳遇

聖明益彰其物望老成端直已足槩夫生平後進表
揚咸式遵其理學相應照例與登二壇造墳安
葬伊妻侯氏係贈夫人既經伊男一疏並

請合應准其列名並祭祔葬至於本官易名大典輿
論久孚但

錫予出自

朝廷非臣等所敢擅擬

崇禎八年二月二十八日奉

聖旨曹于汴准與祭二壇造墳安葬伊妻侯氏並祭
祔葬

八

看得陝西固原道叅政陸夢龍 流寇披猖突
犯隆德而固原道臣陸夢龍奮不顧身急提孤
軍力抗羣醜因兵少力竭揮戈灑血罵賊而死
至於三日顏面如生誠可謂烈氣橫霜精忠泣

鬼蓋此一臣者素閒方畧不藉應援成則汾陽而敗則嘗山疆土之事等所倚重况兩沐

嘉旌猶宜優異者相應與祭一壇造墳安葬仍應加祭立祠

賜予易名以獎忠烈者也其都司石崇德挺身救援共死一處遊擊賀奇勳厲聲叱罵義不從賊相應各與祭一壇以慰忠魂千總高明臣楊守明已經兵部題贈合無免議但

恩典出自

上裁非臣等所敢擅擬

崇禎八年三月初二日奉

聖旨陸夢龍准與祭一壇造墳安葬仍加祭一壇石崇德賀奇勳各與祭一壇

九

看得原任寧夏總兵官署都督僉事今陣亡贈實授都督僉事賀虎臣 本官河東斬獲沙井血戰衆寡不敵報

國捐軀其忠烈儘可嘉尚既經兵部核實前來相

應照贈官品級與祭四壇造墳安葬但

恩典出自

上裁非臣等所敢擅擬

崇禎八年三月初九日奉

聖旨賀虎臣准與祭四壇造墳安葬

十

看得東江總兵官黃龍 查黃龍原職止署都

督僉事今贈都督同知本官以孤軍抗賊血戰

捐軀完

勅封印凜凜節烈相應照贈官品級與祭六壇造墳

安葬建祠一節已奉

明旨仍

請祠名其李惟鸞項祚臨樊化龍張天祿尚可義等

同心抗賊仗義捐軀各合與祭一壇仍祔祠以

慰一時忠魂但

恩典出自

朝廷臣等未敢擅擬

崇禎八年三月初九日奉

禮部存稿
聖旨黃龍准與祭六壇造墳安葬祠名顯忠李惟鸞
項祚臨樊化龍張天祿尚可義各與祭一壇仍祔
祠

十一

看得原任寧夏總兵官太子少保左都督今贈
太子太保馬世龍 本官久歷行間鎮援戰守
諳熟邊情至甘涼捷功尤爲懋著誠一時介冑
之翹楚不負拊髀破格之用矣積勞盡瘁沒于
王事雖燕然之勳未勒而馬革之志克終其原官應

得祭葬例與祭六壇造墳安葬再奉

旨從優議奏合無量與加祭則

恩典出自

上裁非臣等所敢擅便

崇禎八年三月初十日奉

聖旨馬世龍准與祭六壇仍加祭二壇造墳安葬

十二

看得兵部左侍郎程正巳 本官銓曹特著清
聲開府方資雄畧中經摧折幸遇

賜環俾贊樞機數蒙

懋賞其告病奉

旨致仕與被劾自陳者不同今川功又見在敘賚相應與祭一壇減半造葬但

恩典出自

朝廷臣等未敢擅擬

崇禎八年三月十三日奉

聖旨程正已准與祭一壇減半造葬

十三

看得前軍都督府管府事太子太師西寧侯宋裕本除贈官聽吏部議覆輟朝日期年終類題外查懷柔伯施壯猷襲爵三十餘年而本爵之襲止七年雖坐門之優敘相同而歷事之淺深迥異况謂之門功豈合與在外征討積有勳勞者同例而論乎相應照因事加

恩功業未副之例與祭七壇造墳安葬或念其世勳崇階量與加祭則

恩典出自

上裁臣等未敢擅擬

崇禎八年四月初十日奉

聖旨宋裕本准與祭七壇加祭二壇造墳安葬

十四

看得原任山東叅政今贈光祿寺卿張光奎等
本官一腔忠義倡衆捍堡斬渠獲功堅拒旬日
卒以衆寡不敵一門殉難已經兵部議

卹奉

旨贈廕合應與祭一壇造墳安葬其陽城舉人張慶
雲首倡義舉抗賊身亡貢生張茂貞張茂恂協
敵慘殺原任松江府照磨范杞均死賊手相應
照例移咨吏部議贈一銜生員張光樞段蜀錦
王濟時趙之京顏師孔趙德崇竇秉忠孫重光
王元佐董甸梁膏民賈國璧王澤王元傑李定
相李可繼李博楊渭楊濤曹光祚王任賢曹昱
延人秀盧學問蔡蘭張性趙和璧陳經邦張新
運張駿望李調民張胤祚監生王應選儒官盧
知簡王業等共三十五名殉難民張祥雲張騰

雲張茂璘楊桐楊時泰李可受張應貢閻應甲
趙邦璧吳國香張之俊竇寬盧小科等共十三
名應分坊列名旌表其家僕張崇德張朝陽徐
一元徐大嘴裴盤銘段有成吳油匠等均係格
鬪而死情亦可憫應祔殉難民等坊後列名以
旌有義陽城節婦陳氏張光奎妾王氏張慶雲
妻茹氏張騰雲妻嘗氏原氏韓氏健姐鄉婦盧
氏李氏韓氏張氏馮氏等并大陽鎮婦女關氏
等八十餘口均應建坊旌表以風節烈而陣亡
百戶今贈都司僉書張國璽子張兆隆千戶今
贈守備劉自安衛軍杜國禎等三名并會首董
尚誠等七名已經奉

旨撫按查卹家屬仍各設祭一壇以慰忠魂但
恩典出自

朝廷臣等未敢擅擬

崇禎八年四月十三日奉

聖旨張光奎准與祭一壇造墳安葬張慶雲張茂貞
等著吏部查例議贈張光樞等張祥雲等陳氏等

各建坊旌表俱依擬

十五

看得太傅寧遠伯李成梁除本爵襲贈移咨吏部聽其查例議覆輟朝日期另行具題外爲照本爵馳驅疆場者四十餘載先後血戰斬馘首功一萬五千三百餘級拓地七百餘里至於繫速把亥殲阿台擒王杲皆名渠雄長一時聲威烜赫警震夷落卽古稱衛霍之功何以加焉據科臣宋一韓疏叅撫鎮割地媚虜大抵謂寬奠六堡生聚開墾已十餘年後因戎心叵測爭擾時起撫鎮屢開邊釁銳意招撫將種地之家槩作逃民迫還故土以致六堡甌脫科臣亦知寬奠六堡爲本爵所開拓矣其拓其棄豈無根因臣愚爲此一節不敢據一面之辭頗備稽訪亦嘗聞遼東寬奠邊外百餘里地名張其哈喇洵子乃華夷接壤一望膏腴時邊境稍寧漢人往往出邊挖參生聚日繁輸稅於奴奴亦陰收其利本爵再鎮遼東恐奸徒勾奴爲山西板升之

續遣叅將韓宗功收回漢人皆安土重遷遂縱
火焚其廬舍催督過峻值春冰未泮人渡冰裂
溺死甚衆而南人吳大受者有愛婿亦溺其中
深懟宗功以及本爵乃爲棄地之說遍揭長安
故科臣得以風聞入

告惜哉御史熊廷弼之疏留中遂致案牘湮然是非
異同無從證據然夷攷萬曆之年

神謨獨運而武功迭奏惟御將之得其道也而成梁
以年老乞骸骨始終恩待有禮蓋至於丁巳奴
酋發難李永芳敗降而清河寬奠鐵嶺等城堡
始相繼淪沒此在科臣叅疏十餘年後事今欲
遽以逼還逃民盡抹殺其生平血戰拓地擒王
之功似非通論當其子如松以陣歿也而賚

殊褒其妻宿氏以先亡也而從例卹本爵浮沉至今
二十餘年門祚孤零未有議及祭葬者不幾於
功隨身謝論與時沉將

朝廷彰幽錄大之

彝典無乃刺謬乎此卽功過較量擬以半給猶儉於

數是在

皇上或軫念今日踐牧之東陲本爵所經手而闢者也今日噴射之奴孽本爵所回縛而致者也古有千金市駿骨似此勳伐其骨雖稿其氣猶騰若出自

恩命照與全例給祭壇數開壙合葬則所以作氣而招良者又可勝道哉然非臣等所敢擅擬恭候命下臣部遵奉施行

崇禎八年四月十七日奉

聖旨李成梁前著邊功先朝優示疇庸國典豈靳追卹但後來棄地事情既經參勘何遂無案可查該部但憑稽訪果否的據還同兵部確覈具奏

十六

看得原任右都督今贈太子少傅楊正芳 本官先登萬衆之中搴旗破竹則強寇憚其威采入重圍之地仗劍膏原則

賢王憫其烈堪稱國士頓失長城亟起忠魂兩奉明諭相應照例與祭六壇造墳安葬仍建祠加祭以

昭

特恩庶將士聞風知所感奮矣臣等未敢擅擬恭候
命下遵奉施行

崇禎八年四月十七日奉

聖旨楊正芳與祭六壇加祭二壇造墳安葬仍與建

祠

十七

看得禮部尚書兼翰林院學士協理詹事府事
加俸一級薛三省 本官居身得如石之貞筮

仕為作霖之用事

皇考三年講幄既責難陳善而有功丁權璫一疏投
閑誠正人君子所養晦求甘盤之舊學從世而
隆咨伯夷之秩宗其言益讓而何意

帝之簡在竟爾

天不憖遺乎比照品級已從優例若論講讀尤援

特恩相應與祭二壇造墳安葬妻淑人李氏祔葬其

加祭即與易名則取自

上裁非臣等所敢擅擬

禮部存稿
崇禎八年四月二十八日奉

聖旨薛三省准與祭二壇仍加祭一壇造墳安葬伊妻李氏祔葬還與他諡

十八

看得原任兵部左侍郎加陞尚書職銜趙紱

本官歷官卿貳共許清方觀其力疾佐戎聞言求備獲邀

予告之恩仍有加銜之敘其梗槩可知已而鄉屯難作倡率拒禦家傾身隕大義尤昭查加銜尚書

卹例未載應照三品未考滿例祭一壇減半造葬或念其被難量與加祭伊妻淑人閻氏祔葬男婦張氏觸石而死可稱完節亦應照例建坊旌表以勵風化皆出自

朝廷恩典臣等未敢擅便

崇禎八年四月二十四日奉

聖旨趙紱准與祭一壇減半造葬伊妻閻氏祔葬本內前不開張氏死節情繇何後遽請坊旌該司官殊屬疎率

十九

看得南京通政司通政使推陞南京兵部右侍郎陸長庚 本官蠻荒陟歷特著軍功江國甸宣內遷京秩乃

廷推已濟登樞貳而引分止足亦可謂賢哉大夫已宜照京官三品未經考滿與祭一壇減半造葬但

恩典出自朝廷非臣等所敢擅擬

崇禎八年四月二十五日奉

聖旨陸長庚准與祭一壇減半造葬





